

四庫全書

子部

欽定四庫全書

子部

世醫得效方卷十七

詳校官太醫院醫士臣舒岱

編修臣倉聖脈覆勛

總校官降調編修臣倉聖脈

校對官助教臣羅萬選

騰錄監生臣姚培敦

欽定四庫全書

世醫得效方卷十七

元 危亦林 撰

口齒兼咽喉科

總說

口為身之門舌為心之官主嘗五味以布五臟馬心之別脈係於舌根脾之絡脈係於舌傍肝脈絡於舌本三經為四氣所中則舌卷不能言七情所鬱則舌腫不能

語至如心熱則舌破生瘡肝壅則出血如湧脾閉則白胎如雪此舌之為病也口則又稍不然蓋熱則口苦寒則口鹹虛則口淡脾冷則口甜宿食則酸煩燥則澁乃口之津液通乎五臟氣偏勝則味應乎口或勞鬱則口臭凝滯則生瘡生瘡者夜不可失眠晝不可就寢違此必甚唇乃全屬於脾唇有病則多宜隨證以治脾也齒乃骨之餘腎主營養呼吸之門戶也故腎衰則齒豁精盛則齒堅又手陽明大腸脈入於牙齒灌於大腸壅

則齒亦浮腫虛則宣露挾風則上攻面目疴暈則齟

直

切牙  
出也

為脫為痔皆當隨證治之喉者候也咽者嚥也

咽接三筧以通胃故以之咽物候通五臟以系肺故以  
之候氣氣喉穀喉皎然明白人諸臟熱則腫寒則縮皆  
使喉閉風燥亦然五臟久咳則聲嘶聲嘶者喉破也非  
咽門病若咽腫則不能吞乾則不能嚥多因飲啖辛熱  
或復嘔吐咯傷咽系乾枯之所致也自與喉病不同又  
有懸癰暴腫閉塞喉嚥亦如喉閉狀但懸癰在上脰及

關下俗謂之鷺翁又謂之蛾聚俗語聲訛須以後一十  
八種證辨之

口病

洗心散合四順清涼飲治心脾有熱口瘡

甘露飲治血熱口瘡

己上方並見大方科積熱類

雞蘇圓治胸中鬱熱口臭煩渴

方見大方科失血類

黃連阿膠圓治口破生瘡米飲下

方見大方科咳嗽類

秘傳降氣湯治虛熱上壅口瘡生薑蘇葉煎食前吞黑

錫丹每服二十粒

方見大方科諸氣及痼冷類

龍石散治上膈壅毒口舌生瘡咽嗑腫痛少許摻患處

燕津

寒水石

煨三兩

辰砂

二錢半別研

生腦子

半字

右為末日夜數次用小兒瘡疹攻口先以五福化毒

丹掃却用此摻立效

方見小方科疹瘡類

綠雲膏治口瘡臭氣癩爛久而不差

黃蘗

半兩螺青

二分

右為末臨臥置一字在舌下不妨嚥津遲明差一法  
以銅綠易螺青

升麻散治上膈壅毒口舌生瘡咽喉腫痛

升麻 赤芍藥

人參

洗

桔梗

去蘆

乾葛

各一兩

甘草

生用半兩

右剉散每服四錢水一盞半生薑五片煎溫服不拘  
時候一方加薄荷黃芩

碧雪治一切壅熱咽喉閉腫不能嚥物口舌生瘡舌根



強言語不正腮項腫痛

蒲黃 青黛 鵬沙 焰硝 甘草

各等分

右為末每用手指捻搽於喉中津嚥或呷少冷水送下頻頻用之

換金散治毒熱口瘡或下虛邪熱

右用乾薑黃連為末搽瘡上初若不堪應手而愈

赴筵散治口瘡

黃蘗

蜜塗炙  
紫色

滑石

研各  
半兩

五倍子

小嫩者  
一兩

右為末和勻每服半錢許乾搽瘡上良久可飯食奇效

傳方治滿口瘡爛

方見小方科口瘡類

杏粉膏治口瘡以涼藥傳之不愈者

杏仁

十粒去皮尖去

輕粉一字

右研杏仁調勻臨卧傳瘡上少頃吐之勿嚥

青黛散治口瘡臭氣癢爛久不差者

右用黃柏半兩青黛一錢為末臨卧安舌下

芎芷膏治口氣熱臭

香白芷

川芎

各等分

右為末煉蜜圓如鷄頭大食後臨卧噙化一圓

益智散治心氣不足口臭

右用益智去殼加甘草為末時復乾嚥下或沸湯點立效

鵬砂圓治口臭口乾口舌瘡

寒水石

燒紅十兩

鵬砂

二兩

腦子

麝香

各二錢

馬牙硝

四分

甘草

浸汁熬膏二兩

右為末甘草膏搜為圓麻子大用噙嚙

又方香附子炒去毛為末早晚以少許揩牙上

遠智散治口瘡立效

五倍子

遠志

去心各  
半兩

右為末摻少許於舌上吐出而瘡已效

又方朴硝寒水石各一錢為末朱砂少許和勻傅瘡上  
又方生薑自然汁漱口數次涎出而效

獨勝散治口瘡

縮砂殼火煨存性為末摻口內瘡上即安

立效散治口吻邊生瘡浸淫不愈

檳榔火煨為末入輕粉用飯甑上滴淚調傅瘡上立效

茱萸散治口瘡及咽痛

地龍

去土  
灸

吳茱萸

去浮者  
各等分

右為末米醋入生麩調塗足心神效

貼足方右以茱萸為末水調傅足心效最宜治小兒口

瘡不肯服藥者一貼而愈

濯足法治下虛上壅口舌生瘡

右以白礬為末用湯化以濯足

唇病

菊花丸治脾肺氣虛憂思過度榮衛不和唇裂瀦緊或口吻生瘡容色枯頽男子失精女子血衰悉宜服之

甘菊花

肉蓯蓉

酒浸洗切

枸杞子

巴戟

去心各等分

右為末煉蜜圓梧桐子大每服三五十圓菜湯下

瀉黃飲子治風熱蘊於脾經唇燥藩裂無色

白芷 升麻

枳殼

黃芩

防風

去蘆

半夏

湯泡七次

石斛

去根各半兩

甘草

二分

右剉散每服四錢水一盞半生薑五片煎不以時服

薏苡仁湯治風腫在脾唇口瞤動或生結核或為浮腫

薏苡仁

防己

赤小豆

炒

甘草

炙各三分

右剉散煎同上

橄欖散治唇緊燥裂生瘡

右以橄欖不拘多少燒灰為末以豬脂和塗患處  
白灰散治口緊唇小不能開合飲食不得不急治則死  
此亦奇病以此方治之得效名曰緊唇又名潘唇

用白布作燈炷如指大安斧刃上燃炷令斧上汗出  
拭取傅唇上日二三度故青布亦佳或青布灰以酒  
服亦可和豬脂塗傅 又以蛇皮揩拭為灰傅之

又以蟻螬燒灰末豬脂調傅 又燒亂髮蜂房六畜  
毛燒灰用脂調傅 苋實條亦名馬齒苋煮汁洗緊



唇

灸法治緊唇不能開合灸虎口男左女右又灸承漿三壯穴在頤前唇下足陽明之會

舌病

升麻柴胡湯治心脾虛熱上攻舌生瘡舌本強頰兩邊腫痛

柴胡 升麻 芍藥 梔子仁 木通

各一兩

黃芩 大青 杏仁 石膏

去皮共  
各二分

右劉散每服四錢薑五片煎食後服

寒重者八正散方見大方科中

寒類

金沸草散治風寒傷於心脾令人增寒發熱齒浮舌腫

方見大方科

傷寒陽正類

正舌散治中風舌本強難轉語音不正神效

蝎梢

去毒一分

茯神木

劉散妙一兩

龍腦薄荷

焙乾二兩

右為末每服一二錢溫酒調食後服

五福化毒丹治唇舌腫破生瘡煩渴

方見小方科疹瘡類

礬石散治風濕寒舌強不能語

枯礬

桂心

各二分

右為末每用一錢安舌下或用正舌散治之

治木舌腫滿口中氣不得吐

右用臘茶陳白梅巴豆七粒去殼同搗如膏薄荷水調稀羽刷口中得下咽片時即瀉一二行以粥補之舌已平矣又方以薄荷水洗之

又方

右以釜底黑煤研勻內外塗舌良久平 又方真蒲  
黃海螵蛸為末內外皆塗之

又方治大人小兒重舌腫起舌下

右用朴消研水敷咽喉外其內用成塊者含涎出乃  
平 一方地蟬虫和薄荷研汁帛包蘸舌下腫處

重舌極證用指去爪先於舌下筋上擦至根漸深深  
擦入如此三次又用指蘸水取項後燕窠小坑中筋  
自上趕下至小窟深深捺入亦三次小兒若飲乳勝

前則病去矣

黑散子治血熱舌忽然腫破

右以釜底煤醋調傅舌上下脫去更傅能先決出血  
竟傅之尤佳一法用鹽等分調

薄荷蜜治舌上生白胎乾澁語話不真

白蜜 薄荷自然汁

各等分

右以生薑片先蘸水揩洗竟用朱砂雄黃鵬砂腦麝  
為末傅之良未效更加玄明粉

文蛤散治熱壅舌上出血如泉

五倍子

洗

白膠香

牡礪粉

各等分

右為末每以少許摻患處或燒鉄令熟烙孔上

必勝散治舌衄

真蒲黃

略

螺兒青

各等分

右為末每用少許擦患處少待濕鹽水漱之

醋飲喉舌生瘡方治連月飲酒咽喉爛舌生瘡

右以水中螺蚌肉用葱豉薑椒煮汁飲三盞差

治重舌新蒲黃為細末數傳之吐去又傳凡五七次愈  
亦治舌腫滿口不能聲傳之立安

又方五靈脂米醋一碗同煎遂旋漱口立安

舌無故出血名舌衄炒槐花為末摻之而愈

治舌腫脹好鵬砂為末用薄枕生薑蘸藥搯腫處漸退

治舌強腫起如猪胞以針刺舌下兩邊大脈血出即消

切勿刺著中央脈令人血不止則以火燒銅筋烙之  
不止則殺人或以釜下墨醋調傳舌上下脫去再傳

須臾而消此患人多不識失治則死

烙腫法凡舌腫舌下必有噤虫狀如螻蛄卧蚕有頭有尾頭小白可燒鉄烙頭上即消

治失音槐花新瓦上炒香熟三更後床上仰卧隨意而食亦治咯血

齒病

安腎圓八味圓治虛壅牙齒疼痛浮腫

方並見大方科虛損類

嘉禾散治齒疼壞齒者疔去而齒之左右上下非痛非



腫不能嚼食食後生薑煎一服次以地骨皮煎湯漱之  
空心以羊腰一對切片不令斷以葱絲椒子青鹽蒺藜  
末固之再用嘉禾散二錢和勻擦腰子內荷葉包煨熟

食之而愈

方見大方  
料脾胃類

玉池散治風虫牙疼腫癢動搖牙齦潰爛渲露出血口  
氣等疾悉能治之

地骨皮 香白芷 川升麻 防風 細辛

川芎 槐花 當歸 藁本 甘草

各等  
分

右末每用一字許揩牙或痛甚即取二錢用水一盞  
半黑豆半合薑三片煎溫漱候冷吐之數服亦無妨  
或用金沸草煎湯漱亦佳

蟾酥圓治牙疼不可忍者

蟾酥

字一

生附子角

如豆大為末

巴豆

一粒去殼去沾

麝香

少許

右為末研勻蒸餅為圓如黍豆大以新綿裹一圓噙  
之有涎即吐去

蝎附散治同上

蝎梢

附子臍

蜈蚣頭

去毒

川烏頭尖

各二錢

右為末先用竹杖刺痛牙齦次以紙撚上藥一粟米許在痛處甚者不過兩三次效

細辛散治風虫牙疼牙齦宣爛牙齒動搖腮頰腫痛

草烏

白芷

各二兩

細辛

荊芥

各一兩

紅椒

牙皂

鶴虱

華撥

縮砂仁

各半兩

右為末每用少許擦痛處有涎吐出不得嚥少時以

溫水漱口頻頻擦用立效

二陳湯加細辛枳殼用生薑棗子烏梅煎治毒痰齒痛  
仍以片子薑黃華撥等分井水煎候溫以舌浸其中涎

自流出

方見大方  
科痰症類

煎脂醋治惡血齒痛

右用川五靈脂米醋煎汁含嚥

甘露飲治毒血齒痛加入升麻煎

方見大方  
科頭熱類

荆槐散治牙宣出血或痛

右用槐花荆芥穗等分為末擦牙仍前點服

鬱金散治齒出血

鬱金 白芷

細辛

各等分

右為末擦牙仍以竹葉竹皮濃煎入鹽少許含嚥或炒鹽傳

治牙宣鮮紅者甘露飲瘵紅者雙和湯仍以鹽泥炒為

末揩牙上

方見大方科虛損類

搗鼻方治牙疼

雄黃

沒藥

各一錢

乳香

半錢

右為末若左邊疼用少藥搗入左鼻又吹入左耳如  
右疼搗右鼻吹入右耳

塞耳方

蒲黃末

乳香末

白芷末

各半錢

雄黃末

一錢

右和勻以帛蘸藥一字緊塞耳內隨左右仍用荊芥  
咬在痛牙上

措牙方

鶴虱 細辛 白芷 甘松

各等分

右為末每用少許指痛牙上如有蛀孔用藥點入孔

中效

治牙齒痛

右以蕪荑仁安蛀齒上有縫就塞之立效

治風虫牙疼

馬夜眼上以刀兒薄起一片子扱在所患牙縫中或咬在痛處瀝出風涎即止不可嚙

乳香膏治虫牙痛

光明白礬

枯過

滴乳香

各等分

右為末溶蠟量多少和成膏旋圓看虫牙孔子大小填之其痛立止神效又方入胭脂少許和令深桃紅色只作散遇牙疼痛用一字以揩擦良久溫鹽湯漱口

治牙痛

白僵蚕直者不以多少用生薑片切同炒候赤黃色為度去薑不用為末每用取不虫皂角剝去黑皮以



手指蘸湯於皂角黃上擦取汁調僵蚕末搯痛處即止

逡巡散治風牙疼腫不拘新久一服立效

高良薑

一塊約二寸

全蝎

一枚瓦上焙乾

右為末以手指點藥搽齒上仍須擦令熱徹須臾吐出少涎以鹽湯漱口大妙亦治腮頰腫痛

穿牙散治一切齒痛不問久新風疼痛立效

全蝎

七枚去毒

細辛

洗淨三錢

草烏

二箇去皮

乳香

二錢別研

右為末每用少許擦患處須臾以溫鹽水灌漱

莽草散治風壅熱氣上攻齒齲浮腫或連頰車疼痛或

宣露血出

莽草 川升麻 柳枝 槐角子 鶴虱

地骨皮 藁本 去蘆 槐白皮

右剉散每服一兩水一椀入鹽少許煎熟含冷吐之

防風散治牙疼

防風 鶴虱 各等分

右判散濃煎噲漱立效老鶴虱草研爛塞痛處亦可  
消風散治齒熱痛斷腫有汁先傳以消風散又以朴消  
傳其上又法用川升麻煎湯漱噉解毒

方見風利  
熱證類

香椒散治冷證齒痛

香附子

紅川椒

故紙

炒各  
二錢

葶撥

一  
錢

右為末和炒鹽二錢擦傳

川芎散治面腫牙疼不可忍

川芎

白芷

細辛

各等  
分

右為末擦兩三次鹽湯漱立止

秘方揩牙散治牙疼遇喫冷熱獨甚

良薑 細辛 大椒 草烏尖

右為末以指蘸少許揩牙上噙少時開口流出涎妙  
牙痛有四證

熱者怕冷水用牙硝薑黃雄黃荆芥 冷者怕熱湯

用乾薑萹撥細辛 不怕冷熱乃風牙用猪牙皂角

僵蚕蜂房草烏 有竅者蛀牙用雄黃石灰沙糖用

藥了並用溫水灌漱之為佳

取蟲方治牙有蟲而痛

韭菜頭連根洗淨爛搗同人家櫛枝上泥和勻搽痛處腮上用紙貼之一時頃取下細細蟲在泥上可以絕根

揩漱方治無故牙動牙宣出血

香附子去皮毛剉碎用薑汁浸一宿曝乾為末漱口

揩齒齒堅無動無血矣

已驗方治牙疼

露蜂房 瓜蒌皮

右等分燒灰去火毒擦牙或以烏柏根韭菜根荆柴根葱根四味煎湯溫漱

甘松香散治一切牙疼

甘松香 莽草

川烏

去皮各三錢

北細辛

去葉二分

硫黃

半錢香附子

炒去毛二錢

右為末以手指蘸少許揩牙上立效後用鹽湯灌漱

妙

秘方治經歲牙疼

楓香脂為末入些焚香爐內灰再篩過常日洗面時  
用揩牙上永無斯疾更臨睡以溫水淨漱為佳

小薊散治牙齒宣露出血

百草霜 小薊 香附子

炒去毛

真蒲黃

各五錢

右為末揩牙齒上立愈

芫花散治牙疼

陳芫花一握甘草節五錢細剉各煎先用芫花湯噲  
唾去次用甘草水噲少時效

治蛀牙痛莽草為末擦三五次蟲即無

治風蛀牙痛

霜殺老絲瓜燒存性為末擦痛處立止

治血風蛀牙

雄黃 乳香 各一錢  
研如粉 麻黃 半錢 白芷 一字

右為末研勻痛時先以荊芥穗咬在痛處口涼去之



次用皮紙撚津濕之點藥少許隨痛邊塞耳內

又方露蜂房炒川椒一錢為末每二錢煎入少鹽乘熱  
漱之

又方風蛀痛牙用針刺杏仁清油燈上煙熏乘熱認定  
病牙以杏仁搭之又復熏搭七次絕不痛但其病牙  
逐時落去斷根

治蟲蛀牙痛

細川椒 三錢  
明乳香 一錢

右同研細溶蠟圓如麻子大每用一圓塞孔中  
敷藥退腫

大花粉 白芷 赤小豆 鬱金 薄荷

荆芥 各等分

右件日乾為末蜜水調塗痛處

常用齒藥牢牙去風冷虫蝨宣露不問老少用之甚效

槐枝

柳枝

各長四寸  
一握切碎

皂角

不虫者  
七莖 鹽 四兩

降真香

白膠香

各兩  
半

右同入甕瓶內黃泥固濟糠火燒一夜候冷取出研細用如常法

牙齒日長方

牙齒逐日長漸漸脹開口難為飲食蓋髓液所致只服白朮愈及煮水灌漱

齒間肉壅方多因食鹹熱物而得

生地黃汁一椀猪牙皂角數銚火上灸熱蘸冷汁盡為度或為末傅壅內上隨即消縮或朴硝末傅上即

消

灸法以線量手中指至掌後橫紋折為四分去三分將一分於橫紋后臂中灸三壯隨左右一方以兩手交叉以中指頭盡處是穴灸七壯永不疼手背上又灸眉顛七壯隨左右又灸耳垂下牙盡骨上三壯未效加壯數

又法治口齒蝕生瘡者

承漿一穴在頤前唇下宛宛中可灸

又方治唇吻強齒斷痛

尤端一穴在唇上端鍼入二分可灸三壯

導引方治牙齒痛

東向坐不息四通上下琢齒三十六下

頰車開不可合飲令大醉睡中搐鼻嚏則自正

又南星末生薑汁調傅帛縛合一宿愈去風也

又法一人以手指牽其頤以漸推之則復入矣推當疾  
出其指恐啣傷

灸法治失音頰車蹉灸背第五椎一日二十七壯又灸足  
內踝上三寸宛宛中或二寸五分名三陰交穴

喉病

秘傳咽喉一科

一十八種喉風證

一單蛾風其形圓如小筋頭大生於咽喉關上或左或  
右舌關下難治

二雙蛾風有兩枚在喉關兩邊亦圓如小筋頭大關下

難治

三蟬舌風自舌下再生重舌者是

四牙耆風牙齦上聚成癰毒者

五木舌風其舌相似煮熟猪舌不能轉動者

六舌黃風自舌上腫痛黃色者是

七咬牙噤口風近牙窮頭作舉口噤不開者

八魚口風如魚吸水者不治

九聚毒塞喉風喉關聚毒涎唾稠實發寒熱仍分上下

三十關破毒下關難治

十玄者盡毒風上睢食掩水外溢形如雞卵者

十一搶食風一名飛絲毒口中或作穢惡發泡者

十二獵頰風腮臉結腫者是從牙窮頭碎此毒若成須

要半月調理

十三纏喉風風自耳邊過順下赤兔者是也亦有寒熱  
如甚者傷人命

十四松子風口內滿喉赤如猪肝逆張吞則關閉塞飲



食不能者是用藥後口內散點松子樣腫則喉關響  
如雷則不治

十五崩砂甘口風自舌上牙齦上下腮赤口內作聲如  
湯熱牙齦漸爛甚者亦能脫齒

十六連味風自舌上作毒或初成一箇碎而又作一箇  
以至三五七九箇者是

十七蜂子毒或在腮臉洋爛或在喉關舌下作聲如黃  
荆蜂者是

十八走疰癰癧風頸項結核五七箇皮膚赤腫作寒熱者

針灸法

第一穴風府穴腦後入髮際一寸治咽喉諸證及毒氣歸心等項惡證並皆治之無有不效

針入四分穴高主暈恐傷人不

可不知須令人扶護乃針

第二穴少商穴在手大指表近虎口一邊指甲與根齊離爪如韭葉許針入二分病甚則入五分咽喉諸證

皆治

第三穴合谷穴法口授治牙關不開則陽靈穴應針  
各刺一刺出血入二分關竅即開又有一證潮熱者  
有作寒者於合谷穴用針左轉發寒右轉發熱

第四穴是上星穴在頂前入髮際一寸治頰腫及纏喉  
風等證又氣急者實熱針足三里虛熱灸足三里以  
手約膝取中指稍盡處是穴

根脚咽喉常發者耳垂珠下半寸近腮骨灸七壯二七

尤妙及灸足三里穴在膝下三寸髌骨外

赤眼挑耳後紅筋針攢竹穴即安穴在兩眉頭陷中

實熱

一用敗毒散加黃芩半夏連翹倍用桔梗用生薑薄  
荷煎痰盛者加石膏同煎即效凡服此藥早晨服則  
午時攻作午後則子時攻作天明退用針則無此攻  
作若服此藥后自利即換作虛熱醫后藥不可用服  
敗毒散后失聲即服加減秘傳降氣湯

方見大方傷  
寒陽證及諸

類氣

二用生料消風散加玄參全蝎薄荷白水煎服

三用前二藥不退用生料洗心散更加一二味去風

毒藥為妙

方見風科熱證及大方科積熱類

四用前三藥不退用防風通聖散立效

方見風科熱證類

虛熱

一用雙解散乃升麻葛根湯消風散加玄參黃芩薄荷煎

荷煎

二用秘傳降氣湯加生薑黃芩

以上方見大方科傷寒陽證及風科熱證

諸氣類

三如痰盛用桑白皮湯磨沉香吞養正丹仍用枳梗

半夏湯冷术附湯等藥調理

方見大方科痢冷及痰虛中濕類

又一證上秘下瀉用秘傳降氣湯吞碧雪衣附子理

中圓如無用桑白皮湯亦可

方見諸氣類及見前併痢冷類

虛實盪漱藥

用消毒飲水煎時時盪漱

方見小方科瘡毒類

咽喉生瘡冷閉聲不出者秘傳降氣湯去陳皮加黃芩

煎仍於喉下咽管口灸三壯即愈

方見大方科諸氣類

勝金散治咽喉腫痛氣急諸項等證於內麝香旋入有孕者不可用麝不問冷熱虛實並皆通用若痰盛者如煎藥內所用不應於中畧加膽礬少許立效或吐無妨

鬱金

三兩

大朱砂

南雄黃

其色勝於朱砂者妙各五錢

麝香

乾胭脂

菘豆粉

各二錢半

白礬

半生半枯

光粉

各五錢

右為末研薄荷汁同研少許調服

防風散虛者少用實者多用

防風

去蘆  
一兩

羌活

黃藥子

白藥子

蜜炙

殭蚕

炒

鵬砂

大黃

帛裏煨  
令香熟

荊芥

細辛

川芎

紅內消

鬱金

山豆根

甘草

以上各  
五錢

牙硝

三錢

薄荷葉

右為末研薄荷汁同蜜少許調藥

玄明粉用朴硝十斤防風一斤煎水泡溶却用布荷花



葉紙澄濾七遍却於霜下露天露一夜却取內牙硝  
再用防風水淋漕淨用瓦鉢熬煎成鹽却再入鼎內  
用鹽泥固濟炭火燒一時通紅為度出火去毒研為  
末每一斤用甘草三兩每服一茶匙溫熟水調如實  
熱煩渴口乾燥作煩者可略加鵬砂腦子入口噙化  
乾喉風立效

追風散

黃丹

朴硝

猪牙皂角

燒

縮砂殼

各  
五錢

右為末每服少許以鷲毛蘸入口中舌上下及腫處  
用水盥漱如喉間毒已破瘡口痛者用猪腦髓蒸熟  
淡薑醋喫立效

如病將可有身體痛於所服藥內加川秦艽同煎效  
死候

毒氣歸心曾前腫滿氣煩促下部洞泄不止

重舌木舌川烏尖巴豆為末米醋調刷患處即效木舌

須先服勝金散開關竅

又方見  
舌病類

帝鍾風即喉間帝鍾長腫有長數寸者虛實用前藥外  
以食鹽煨過鴉毛蘸下即消不須掛破破則傷人

煮針法

烏頭

一兩  
去尖

巴豆

一兩  
兩

硫黃

半兩

麻黃

五錢

木鼈子

十箇  
烏梅

右用藥同入甕石器內水煮一日洗擇之再用止痛  
藥沒藥乳香當歸花蕊石各半兩又如前水煮一日  
取出用皂角水洗再於犬肉內煮一日仍用瓦屑打

磨淨端直松子油塗常近人氣為妙

合瘡口白礬黃丹麝香為末以銅筋點瘡口上

又方滑石黃丹為末點瘡口效

仍用黃丹一兩二錢甘草二錢為散煎服尤妙

破毒妙方

白礬 巴豆去殼 紅內消 草烏尖

猪牙皂角 薄荷各二錢

右為末好酸醋調鵝毛刷入口內勿吞仍以鹽湯盥

漱

雄黃散治纏喉風喉閉先兩日曾膈氣緊取氣短促忽  
然咽喉腫痛手足厥氣閉不通頃刻不治

巴豆

七粒三生四熟生者去殼生  
研熟者去殼燈上燒存性

乾桑黃茹

雄黃

一塊皂角子大  
透明者細研

鬱金

一枝蟬肚  
者研為末

右再研勻每服半字茶清少許下如口噤咽塞用小  
竹管納藥吹入喉中須臾吐利即效

又方川升麻四兩剉碎水四碗煎至一碗灌下

又方皂角三根搥碎按水一盞灌下或吐或不吐即安

取喉中涎

草烏尖

殭蠶

紫貝根

啾唧

紅椒

白礬 山豆根

皂角

各等分

右為末用霜梅拌藥為圓如指頭大含化一圓取下  
涎然後用鹽湯盪漱吐出不可吞

開關潤喉蓬萊雪

梅花腦子

生麝香

各一字

鵬砂

三錢

朴硝

五錢

以上另研

薄荷葉

百藥煎

全蝎

去毒

防風

去人

粉草

各五錢以  
上並研

明乳香

沒藥

各三錢  
莢或火熨乃研

右為末每服少許以小匙挑乾糝咽間及瘡上如在關下糝舌上並旋旋嚥下仍用薄荷桔梗甘草煎水噲漱或用生薄荷研自然汁調成膏入口噲化亦妙

開喉關

薄荷

山豆根

各五錢

麝香

腦子

各半錢

朱砂

三錢

甘草

青鹽

川烏

各五錢

右為末每用半錢臘月內菘菜汁夏月黃麥按水或

葛水調如涕唾稠粘用芭蕉水調下或蜜圓指頭大  
含化

去涎方

併碎法

草烏尖鴨觜青膽礬為末先用醎醋煮皂角調鵝翎  
刷傳赤腫處開口流去涎即將綿毬一指頭大以布  
線繫定蘸前藥末吞嚥至腫毒處即抽出凡如此一  
二次其毒即破開口流出去盡涎血却以前合瘡口  
藥點上停久溫鹽水盪漱後進食亦可



又開喉關

南星 半夏 川烏 草烏 甘草

各五錢

右為末用米醋煎成膏傅毒上

宣利方

巴豆

三笨粒  
去殼

雄黃 鬱金 猪牙皂角

大黃

各五錢

右為末飯圓如菘豆大每服七丸五更三點以冷茶

清吞下如未利再下四五圓

通後補助

紫蘇 藿香 甘草

右剉散每服四錢水煎空心服

乾喉風

朴硝 川烏 當歸 牛膝 麝香

各五錢

腦子 鵬砂 荆芥 薄荷 甘草

各半錢

三錢

葛粉 全蝎

各五錢

七箇去毒

右為末用清米泔調春用菘菜汁調夏黃麥汁調如

不能吞用豆腐切如棊子塊蘸藥入口內含化或新  
艾汁調下立效

搶食風

桔梗 川烏 草烏 防風 甘草

大青根

各五錢

全蝎

七个去毒

紫河車

五錢

右為末每服用酒一盞連根葱一莖紅椒七粒燈心

七莖同煎三四沸食後熱服如不安再用酒一盞入

茱萸五粒同煎少時熱服之未效用蕉湯調下如落

心肺間刺痛用宣藥利下如久不治則變為飛絲勞  
毒能傷人命

潤關住痛生薄荷研蜜調成膏送入喉咽下立效如涎  
多未退再用如更不開可通頂又用葱頭兩個槌碎  
安牙窮頭處立開妙

治誤吞銅鉄金石竹木刺雞鵝魚諸骨哽

川山豆根 山蜈蚣 山茨菇 歲靈仙

鉄脚者

滑石 馬牙硝 金星鳳尾草

各一兩

急性子

二兩

苧麻根

五錢

菘菜豆粉

五錢

甘草節

三錢

個 三宿

磚

五兩 廁中 製一年

右為末白芨五兩與糯米糊一處和劑成錠子如梧  
桐子大每用一錠冷水磨化即下骨哽若金石銅鉄  
則以生薑汁磨化下

世醫得效方卷十七

欽定四庫全書

世醫得效方卷十八

元 危亦林 撰

正骨兼金鏃科

秘論

骨節損折肘臂腰膝出臼蹉跌須用法整頓歸元先用  
麻藥與服使不知痛然後可用手

凡脚手各有六出臼四折骨每手有三處出臼脚亦三

處出白手掌根出白其骨交互相鎖或出白則是對出  
鎖骨之外須是搦骨須鎖骨下歸窠或出外則須搦入  
內或出內則須搦入外方入窠白若只用手拽斷難入  
窠十有八九成痼疾也

手六出白四折骨 凡手臂出白此骨上段骨是白下  
段骨是杵四邊筋脉鎖定或出白亦挫損筋所以出白  
此骨須拽手直一人拽須用手把定此間骨搦教歸窠  
看骨出那邊用竹一片夾定一邊一邊不用夾須在屈



直處夾才服藥後不可放定或時又用拽屈拽直此處筋多喫藥後若不屈直則恐成疾日後屈直不得

肩脾上出臼只是手骨出臼歸下身骨出臼歸上或出左或出右須用春杵一枚小凳一箇令患者立凳上用杵撐在下出臼之處或低用物簞起杵長則簞凳起令一人把住手尾拽去一人把住春杵令一人助患者起身從上坐落骨節已歸窠矣神效若不用小凳則兩小梯相對木棒穿從兩梯股中過用手把住木棒正稜在

出白腋下骨節蹉跌之處放身從上墜下骨節自然歸白矣

脚六出白四折骨 或脚板上交胛處出白須用一人拽去自用手摸其骨節或骨突出在內用手正從此骨頭拽歸外或骨突向外須用力拽歸內則歸窠若只拽不用手整入窠內誤人成疾

脚膝出白與手臂肘出白同或出內出外不用一邊夾定此處筋脉最多服藥後時時用屈直不可定放又恐

再出窠時時看顧不可疎慢

脚大腿根出臼 此處身上骨是臼腿根是杵或出前  
或出後須用一人手把住患人身一人拽脚用手盡力  
搦歸窠或是對開又可用軟綿繩從脚縛倒吊起用手  
整骨節從上墜下自然歸窠

背脊骨折法 凡對脊骨不可用手整頓須用軟繩從  
脚吊起墜下身直其骨使自歸窠未直則未歸窠須要  
墜下待其骨直歸窠然后用大桑皮一片放在背皮上

榆樹皮兩三片安在桑皮上用軟物纏夾定莫令屈用藥治之

脚手骨被壓碎者須用麻藥與服或用刀割開甚者用剪剪去骨鋒便不衝破肉或有粉碎者與去細骨免膿血之禍然後用大片桑白皮以二十五味藥和調糊藥糊在桑白皮上夾在骨肉上莫令差錯三日一洗莫令臭穢用藥治之又切不便輕易自恃有藥便割便剪便弄須要詳細審視當行則行尤宜于細或頭上有傷或

打破或刀傷骨碎用藥糊角縛不使傷風切須記之  
用藥治傷則用糊藥封角切不可使風入之浮腫其惡  
血自消散不攻瘡口

正骨金瘡脈候

正骨金瘡須看脈候如傷臟腑致命處一觀其脈虛促  
危矣傷處淺命脈虛促亦為後慮傷至重命脈和緩永  
無慮也脈有虛有實有去來有疏密或被傷臟脈不死  
者必關脈實重則無慮或傷至死處其關脈無別脈洪

大則難醫如用兩件藥後脈不轉動急急住藥若脈漸  
漸隨藥轉此則可治無慮或血出甚者脈不要洪大只  
要平正重實其血不曾出者亦無惡血在內者其脈欲  
洪大不要疎密亦不要進退來去恐其變凶看傷脈每  
與內科脈不同或傷內或致命或難醫處被傷者命脈  
便已去矣此等切勿治之

十不治證

擗撲損傷或被傷入於肺者縱未即死二七難過 左

脇下傷透內者 腸傷斷一半可醫全斷不可治 小  
腹下傷內者 證候繁多者 脈不實重者 老人左  
股壓碎者 傷破陰子者 血出盡者 肩內耳後傷  
透於內者皆不必用藥

用藥加減法

傷有淺深隨其吉凶用藥如折骨者則用後二十五味  
接骨方治之再加自然銅白芷乳香沒藥川芎各五錢  
立效 若傷臟腑用清心藥加川芎當歸赤芍藥各三

錢 或肚腸傷破加白芨五錢同後清心藥服 或被  
傷浮腫不退加皂角黃栢皮半兩入紫金皮散內傳之  
或頭破傷風亦用紫金皮散加皂角黃栢皮傳之立  
退 或筋斷接筋者用二十五味加斷續半兩 或諸  
處傷痛不止者仍用二十五味加川芎五錢 或惡血  
汚心不下用后清心藥加大黃枳殼五錢 或氣觸痛  
加木通丁香藿香三錢同二十五味服之 凡加減末  
者加末散者加散其餘只依本方不用加減 孕婦擷



撲傷損先用安胎藥後服二十五味接骨去草烏川芎  
餘依本方

腸肚傷治法

肚上被傷肚皮俱破腸出在外只腸全斷難醫傷破而  
不斷者皆可治療 腸及肚皮破者用花蕊石散傅線  
上輕用手從上縫之莫待糞出用清油搥活放入肚內  
肚皮裂開者用麻縷為線或槌桑白皮為線亦用花  
蕊石散傅線上須用從裏重縫肚皮不可縫外重皮留

金匱要略卷之八  
卷十八  
外皮開用藥摻待生肉

又用藥加減法

凡損若不折骨不碎骨則不可用自然銅於藥內除去  
無瘡處不用半夏 老人有傷者骨脈冷每用加當歸  
川芎川烏木香丁香人參五錢去白芍藥生地黃此亦  
是二十五味內加減老人即服此 或傷臟腑者不問  
老少如有血并痰從口中出者用清心藥加丁皮川芎半  
夏八二十五味內同服 退腫角血或皮冷加乾薑五

錢入退重藥內糊腫上腫及血自然退散或皮膚熱者  
加黃栢皮皂角五錢入腫藥內角腫處自然退

### 用麻藥法

擲撲損傷骨肉疼痛整頓不得先用麻藥服待其不識  
痛處方可下手或服後麻不倒可加曼陀羅花及草烏  
五錢用好酒調些少與服若其人如酒醉即不可加藥  
被傷有老有幼有無力有血出甚者此藥逐時相度  
入用不可過多亦有重者若見麻不倒者又旋添些更

未倒又添酒調服少許已倒便住藥切不可過多

用摻藥法

瘡口血出不止則用方中止血藥傅之如洗開後瘡孔大甚且先用降真香龍骨沒藥摻之內即生上瘡孔上須用油單貼待膿血汁出莫待蔽塞如夏月用藥以薄荷葉貼瘡孔一日一度湯洗又用藥摻如肉上滿瘡口用手搦不痛如好肉一般即用收瘡口藥傅上却莫貼待風稍瘡口立收若未生實肉切不可先收瘡口裏面

恐為患也

傷破肚皮用藥法

如傷孔大肚腸與脂膏俱出放入內則用縫如孔小只有膏出先用清心藥與服用手擘去膏不用縫此膏出者已無用了不可復入肚中反成禍只須擘去不妨此是閑肉但放心去之肚肉被傷者重用退利大小腸不可待秘恐成重患

打擗及樹木壓徧身痛者

打擗樹木壓或自高處擗下者此等傷皆驚動四肢五臟必有惡血在內專怕惡心先用清心藥打血藥及通大小腸藥次第先服臨服加童子小便入藥內立效專用大小腸洗利恐作隘塞利害之甚清心藥加前方通利大小腸藥服之自然俱通無悶煩無惡血污心以次用止痛藥服之即止

去惡血法

擗撲傷刀石傷諸般傷撲至重者皆先服清心藥次服

清小便藥三服去血藥或被傷者血未結打從瘡口中  
出或結在內用藥打入大腸時即泄出或被打被擷被  
木壓惡血未積者用藥打散四肢或歸臟腑者或歸上  
膈者打從口中吐出或歸中膈打入大腸泄出先用此  
急救次服止痛藥 止痛藥即二十五味藥中加減用

用藥湯使法

凡藥皆憑湯使所使方先但用清心藥煎後用童便一  
盞同服 或止痛重傷者則用薑湯燈心藥調二十五

味藥服之薄荷湯亦可 凡傷或刀傷及損內臟腑恐  
作煩悶崩血之患如折骨者用薑酒服接骨藥傳之如  
骨碎被重打重擷重木及石壓者皆用先服湯使法並  
未用酒服如輕擷撲損傷則用薑酒調下二十五味藥  
立效

通治

擷撲刀傷接骨方

服傳

臘月豬脂

五兩

黃蠟

半斤以  
上洗煎

鉛丹

羅

自然銅

四兩  
研



密陀僧

四兩 朱砂 一兩

研

右用新鍤鼎先鎔脂次下蠟於冷處下密陀僧鉛丹自然銅緩火再煎入水中不散更出鼎於冷處下諸藥用柳篋攪勻瀉入瓷器內不住手攪至凝圓如彈子大且用箏皮之類襯之極冷方收 凡傷碎骨者木石壓碎骨者先用此藥火化開糊骨上然後夾定用此藥服之須作小圓如梧桐子大每服十圓葱酒調下或傷損深者搥成條入孔中淺者用油單為膏

藥貼之甚者燈心裹木夾之如藥力散再覺痛更一服痛即止又痛甚者貼之即止

又方二十五味

服

治癩撲損傷骨碎骨折筋斷刺痛不

問輕重悉能治之大效

香白芷

醋炒  
加減

紫金皮

醋炒

劉寄奴

川當歸

煨鹽  
水炒

赤芍藥

白芍藥

米水  
浸炒

黑牽牛

生地黃

鹽水  
浸炒

川芎

米水  
浸

川牛膝

茶水  
炒

乳香

可加  
減

沒藥

可加  
減

破故紙

醋炒

木通

去節

自然銅

骨不碎  
用臨好時用

木香

茶水  
炒

藿香 木賊 官桂 可加減 羌活 獨活

半夏

五錢水炒  
無痰不用

骨碎補

草烏

醋炒孕  
婦不用

川烏

火煨孕婦則  
不用各一兩

或加土當歸熟地黄

鹽水炒

杜牛膝

茶水炒

土芎

米水炒

尤

妙 金刀傷剝出白者去自然銅骨碎骨折者用之

然須於此方內且去自然銅臨欲好時却入用之早

服成他疾右先擇出自然銅官桂沒藥乳香不炒者

其餘藥或炒或火焙或日曬乾皆可然後入不炒四

味同研為末用蜜糊圓如彈子大用黃丹為衣或被  
擗撲傷損金刃箭鏃不問輕重每服一圓如被刃傷  
全斷損內重者以薄荷湯或木爪湯薑湯燈心湯吞  
下皆可或擗碎骨及折骨用自然銅其他不用如骨  
折碎刺痛不止加乳香沒藥白芷川芎各五錢入諸  
藥中生薑酒下或不作圓為末亦可功效如神

又方

服

治擗撲接骨刀傷

川當歸

半兩洗  
淨別搗

鉛粉

半兩洛  
粉為上

鵬砂

二錢

右為末每服二錢濃煎蘇木汁調下若損在腰上先  
喫淡麪半椀後服藥若在腰以下先服藥後喫淡麪  
仍不住呷蘇木汁更以糯米為粥入藥末三錢半和  
攤在紙上或絹上封裏損處如骨碎更須用竹木夾  
定以紙或衣包之

清心藥方

服

降真香

香白芷

醋炒蘇木

鹽水炒

枳殼

水浸去心

藿香

清油炒

丁皮

鹽水炒

紫金皮

木香

茶水炒

丁香

米泔水炒

木通

去節

山梔子

大黃

蓮子肉

酒煮

沉香

人參

當歸

濕紙煨

川芎

煨

羌活

獨活

花蕊石

醋炮

烏豆

燈心

少許

赤芍藥

各等分

右為末或大小腸不通服此亦可用五膈寬中散同服立效或惡血汚心或煩悶暴死每服二錢薄荷湯或燈心湯調下或童子小便尤好為散水煎服亦可如痰血口中出加半夏

自然銅散治打攔折骨損斷正骨科中經驗方也

乳香 沒藥 蘇木 降真香 川烏

去皮尖

松明節

自然銅

火煨米醋焯七次各一兩

地龍

去土清油炒半

真血竭

三錢

龍骨

生用半兩

土狗

十枚油浸焙為末 本草名螻蛄

右為末每服五錢用無灰酒調下如病在上食後服

病在下空心服服之自頂心尋病至下兩手再周遍

一身下及兩足遇病處則颯颯有聲患人自覺藥力

習習往來

又方

自然銅

累累然相綴如亂  
絲者最佳一兩重

右研細水飛過同當歸沒藥各半錢和勻每服三錢  
酒調服仍以手摩痛處

導滯散治重物壓迫或從高墜下作熱吐血下血血出  
不能禁止或瘀血在內胸腹脹滿喘麤氣短兼能打去  
惡血

當歸 大黃

各等分  
炒過

右為末每服二錢不以時溫酒調下



鷄鳴散凡墜壓死者急安好處以手袖掩其口鼻上一  
食頃瞑開先與熱小便若初覺氣絕不能言急擘開口  
以熱小便灌之打撲悶絕亦先用以此利去瘀血

活血丹治患者血脈不和筋急行步不可服之寬筋

乾地黄

酒煮  
二兩

當歸

白芍藥

續斷

麩水  
炒

白朮

煨

川芎

醋炒各  
一兩

右為末麩糊圓梧子大每服三十圓温酒下

大嶽活血丹治男子婦人外傷內損狗傷虫咬車馬撲

墜手足折傷一切疼痛腹中瘀血刺脇築心左癱右瘓  
走住疼痛癰疽痔漏及婦人冷氣入腹血脉不通產後  
敗血灌注四肢及吹爛腫痛

花桑枝

如臂大者燒烟  
淬米醋中焙乾

栗楔

栗蒲中心扁薄者  
薄切日乾各一斤

細墨

半斤一半用車麻三兩細研塗墨上塗畫紙  
包黃泥固濟乾炭火用七斤燒赤冷地上出

大兩時一半用醋化  
砂塗墨上火灸令乾

皂角刺

一斤燒赤淬  
醋中灸乾

大黑豆

一斤濕布揩去  
淨黑皮焙乾秤  
亂髮 二斤皂角水淨洗用  
清油二斤炒頻檢看

焦即止  
為末 乳香

四兩通明滴乳者細  
研入米醋一碗熬熱

右和為末杵三千下圓如彈子大如膏乾更入醋糊  
圓痛甚一圓輕者半圓以無灰酒一盞乳香一豆大  
先磨乳香次磨藥盡煎三五沸臨卧溫服以痛處就  
床欲汗則被覆仍用藥塗傷處切忌一切動風物婦  
人服入當歸末一錢孕婦勿服

當歸散救急療墜馬落車被打傷腕折臂呼叫不絕服  
此呼吸之間不復大痛三日筋骨相連

當歸

炒令香

桂心

甘草

灸

蜀椒

去汗各三分

芎藭

六分  
妙

附子

炮去  
皮

澤蘭

炒各  
一兩

右為末酒服二三錢日三服如小兒被奔車馬所損傷其膝皮肉決見骨節絕死少蘇啼不可聽聞服之便睡十數日便行走其神驗如此忌海藻菘菜生葱猪肉冷水

花蕊石散治一切金刀斫傷箭鏃及打撲傷損身體猫犬咬傷或至死者急於傷處糝藥其血化為黃水再糝藥便差更不疼痛如內損血入臟腑熱煎童子小便入

酒少許調一大盞服之立效若牛舐腸出不損者急內入細絲桑白皮尖茸嘗線縫合肚皮縫上糝藥血止立活如無桑白皮用生麻蘇亦得並不得封裹瘡口恐生膿血如乾瘡以津潤之然後糝藥

方見大方科失血類

### 內損

大紫金皮散治打撲傷折內損肺肝嘔血不止或瘀血停積於內心腹脹悶

紫金藤皮 降真香 續斷 補骨脂

無名異

燒紅酒  
淬七次

琥珀

別研

蒲黃

牛膝

酒浸  
一夕

當歸

洗

桃仁

去皮炒  
各一兩

大黃

紙裏  
煨

朴梢

別研各  
一兩半

右為末每服二錢濃煎蘇木當歸酒調并進三服利

即安

沒藥散治打撲內損筋骨疼痛

沒藥 乳香

芍藥

川芎

川椒

去子及  
合目者

當歸

各半兩

自然銅

二錢半  
炭火燒

右為末用黃蠟二兩溶開入藥末不住手攪勻圓如

彈子大每服一圓用好酒煎開乘熱服之隨痛處臥  
霎時運進有效

打撲傷損

加味芎藭湯治打撲傷損敗血流入胃脫嘔黑血如豆  
汁

芎藭 當歸 白芍藥 百合

水浸一日

荆芥穗

各等分

右剉散每服四錢水一盞酒半盞煎不以時服

木香勻氣散治從高墜下或打撲傷損腰脇心腹作痛

加紅麴末少許童子小便同酒調空心熱服如無紅麴

紅酒亦可

方見大方  
科諸症類

麝香散治從高墜下及打撲損傷

麝香

水蛭

各一  
兩

右用水蛭剉碎炒至煙出研為末入麝再研勻每服  
酒調一錢若當下蓄血未效再服其應如神又治折  
傷用水蛭熱酒調一錢食須知痛更進一服痛止便  
將折骨藥封直至安平方去



平胃散治打撲傷損不問破與暗傷悉能治之用冷

水調塗則愈

方見大方  
科脾胃類

雙烏散治諸傷百損如被打破傷損久後時時疼痛雖  
新被傷縱不破皮而內損者尤宜服此

川烏

草烏

略炮各  
三錢

當歸

白芍藥

蘇木

大黃

生乾地黃

紅麴

炒各  
半兩

麝香

少  
許

右為末用酒煮一瓦瓶放冷服如覺痺麻無害但二  
烏頭生用有力恐太猛所以用溫火畧炮

救急方療墜馬落車傷腕折臂

當歸

炒

桂心

甘草

炙

蜀椒

炒出汗各七錢半

川芎

兩半

附子

炮

澤蘭

炒各一兩

右為末每用酒服二錢立效忌海藻菘菜生葱冷水等物

洗心散治傷損瘀血凝滯大痛大便亦痛

方見大方科積熱類

黑神散治傷損大吐血或因酒食飽低頭胸損吐血至多竝血妄行鼻口俱出但聲未失無不效者

百草霜

蚌粉

各等分

右為末每一二錢糯米飲調下側栢枝研汁尤妙速  
鼻衄搐一字皮破灸瘡出血舌上出血並乾糝立止  
墜馬方細研銅末服之頓愈

蘇合香丸治從高墜下挾驚悸血氣錯亂昏迷不省急

服大效

方見大方  
科中氣類

接骨散治打撲傷損折骨

半兩古文錢不拘多少以鉄線貫之用鉄匣盛以炭

火燉通紅椀盛好酒米醋各半升鐵冷開匣取錢於  
酒醋中淬盡澄去滴醋以溫水淘洗如此三次淘洗  
數多尤妙火毒不盡令人患啞既淨焙乾研細入乳  
香沒藥水蛭等分同為末每服半字或一字生薑自  
然汁先調藥次用溫酒浸過服若不傷折即時嘔出  
若損折則藥徑下如金絲如弓上筋神效初服忌酒  
三日

刀斧棒杖傷

禁聲飲子治棒杖刀斧傷疼痛不可忍者

防風

去蘆南星

湯洗

右到散每服三大錢水酒各半盞生薑槌碎同煎通  
口服甚者不過三服立效

龍骨膏治金瘡

真龍骨 海螵蛸 五倍子 赤石脂

黃丹

煨過或不用只使血竭尤佳

石亭脂

一方不用只用麝

右斟酌或等分用如傷大先以冷鹽水洗淨却用黃

桑生漿塗四圍待水乾皮欲即乾敷百發百中若小傷只以冷鹽水略洗便敷此且絕妙甚

奪香散治刀刃所傷及從高墜下木石壓損瘀血凝積

心腹疼痛大小便不通

紅蛭

用石灰慢火炒令乾黃色半兩

大黃

黑牽牛

各二兩

右為末每服二錢用熱酒調約人行四五里再用熱酒調牽牛末二錢催之須下惡血成塊以盡為愈

單方治打撲傷金瘡悶絕

右用蒲黃不以多少為末熱酒灌下

### 取箭鏃

### 灰牛散

天水牛

一個獨角者尤妙以小瓶盛之用礪砂一錢細研水少許化開浸天水牛自然成水

右以藥水滴箭鏃傷處當自出

神仙刀箭藥妙不可言

右以桑葉陰乾為末乾貼如無旋熨乾貼之

又方土狗數箇搗取汁滴上三五度箭頭自出

治箭鏃入骨不可拔

巴豆

半粒 羌 大者一箇  
去足翅

右各去殼同微熬研勻塗傷處斯須痛定必微癢且恐  
之候不可忍便撼動拔之立出以黃連貫衆溫湯洗  
了用牛膽製風化石灰傅之

針灸傷

內托黃耆圓治針灸傷經絡膿流不止

黃耆

八兩 當歸 三兩

肉桂

木香

沉香



乳香 別研  
各一兩

右為末用菜豆粉四兩薑汁煮糊圓梧桐子大每服  
五十圓不拘時候熱水下

消煩

四聖散治傷重煩悶欲死者用此打血利大小便

花蕊石散

黑神散

二方  
見前

大聖散

蒲黃散

以上  
二方

並見婦  
人科

當歸

牛膝

川芎

米水  
炒

白芷

醋  
炒

蘇木

大黃

各半  
兩

蓮子肉

酒煮  
半兩

右為末和圓童子小便調服或木通湯亦可惡血立

下

傅藥

活血散治打撲傷損手足

右用菜豆粉新銹內炒令真紫色新汲水調令成膏厚傅損處須教徧滿貼以紙花將杉木皮一片縛定其效如神

治刀傷磕損血不止痛難禁用葱白一大握炒熟搗爛

乘熱縛定痛與血隨止葱冷再易立效

治傷損用生骨碎補斫爛取汁以酒煎服淳傳傷處數

日平復及被笞捶身無全膚用之大效

治折骨傷筋痛不可忍生地黃一斤切藏瓜糟薑一斤  
生薑四兩炒令勻熟以布裹罨傷處冷則易之奇效  
腫重加赤小豆半升

地黃膏治打撲傷損臂臼脫出及一切癰腫未破令內  
消用生地黄研如膏木香為末以地黃攤紙上糝木香

末一層又再攤地黃貼上明旦痛即止效

單方治刀傷血出不止欲死用花藥石散無效則用絕好降真香一片用瓷瓦片刮下石碾碾細傳之大效

又方白滑石二兩黃丹五錢為末乾糝

飲金瘡止疼痛

右以劉寄奴為末糝之立效

又方以門扉後塵傳之

鉛粉散治手足折傷可服可敷半日後痛止手足堅牢

立愈

右以川當歸鉛粉各半兩鵬砂二錢同研細蘇木煎  
汁調化一大錢損若在上先喫淡粥却服損在下先  
服藥後食仍頻呷蘇木汁別作糯米飲拌和藥攤貼  
損處以絹帛裹之骨碎用竹木同夾甚妙

白灰散治惡瘡刀斧傷見血

白石灰末不以多少韭菜汁調陰乾為末少許傅上擦少  
時血止便安如腸潰出桑白皮線縫合卷之帛繫定效

又方晚蚕沙生用為末，摻勻綿裹之，隨手瘡愈，血止。  
黃丹散治金瘡并一切惡瘡。

上等黃丹

軟石膏

不以多少  
火煨通紅

右研細和勻，如桃花色，糝傷處甚妙。

又方胡孫頭草黃花子如蒺藜骨錄者，村人謂之草血竭，以其能止血也。用其子爛研，或爛嚼，傳傷處，血立止。  
又方

黃蘗

半斤半夏

四兩

右為末每用半兩生薑半兩生地黃取自然汁調塗  
癩處如折斷用絹帛封縛次用杉木皮扎定乾則頻  
上薑地黃汁潤

又方治金刃或打傷及碎首血出不止

降真香五倍子鏡面上削下銅青各等分為末傳傷  
處效

又方治刀斧傷

隔年四月苧麻揉令極軟覆在傷處縛定血止用野

苧葉亦可

又方水龍骨

即船上多年油灰

為末傅傷處用帛片扎定皮裂

開以桑白皮線縫合用蘇木五倍子末封之

又方治傷至重但不得透膜者

海味中鹹白鯨揀大片色白而有紅絲者成片鋪在傷處以帛子扎之血止如膏脂出不傷內膜者即剃去傷人頂心髮以熱熨斗不令其知於新剃頂上一燙膏脂即入以桑白皮線縫合用血竭草木臘葉磁



石為末乾傳瘡上即合

又方五月五日採馬鞭草缺盆草血見愁

即草搗爛同  
血竭

風化石灰為末塗之即愈

治血聚皮不破方蘿蔔葉研細卷傷處以帛縛之

滅痕方治打撲有痕傷瘀血流注

半夏為末調塗傷處一宿不見痕

又方治瘀血流注紫黑或傷眼上血紫黑

大黃為末用薑汁調塗一夜一次上藥一宿黑者紫

二宿紫者即白矣

洗方

荊葉散治從高墜下及一切傷折筋骨瘀血結痛

頑荊葉

兩半

蔓荊子

白芷

細辛

去苗

防風

去蘆

桂心

川芎

丁皮

羌活

各一兩

右為末每用一两鹽半匙連根葱白五莖漿水五升煎五七沸去滓通手淋洗痛處冷即再換宜避風

破傷風

者  
玉真散治風自諸瘡口入為破傷風強項牙關緊欲死

防風

去蘆

天南星

湯泡各等分

右為末每服三錢童子小便一大盞煎熱服

香膠散治破傷風口噤強直

魚膠

澆十分  
留性

麝香

少許

右研勻每服二錢酒調不飲米飲下一方蘇木煎酒

下

急風散治久新諸瘡被傷中風項強背直腰反折口噤  
不語手足抽掣眼目上視喉中鋸聲及取箭頭

麝香

研

丹砂

一兩

生黑豆

一分同草  
烏為末

草烏

三兩半生用半燒存米泔同泮

右為末和勻破傷風以酒一盞調半錢服神效如出  
箭頭先用酒一盞調服半錢却以藥貼箭瘡上

破傷濕

牡蠣散治破傷濕口噤強直

牡蠣取末粉傅瘡口仍以末二錢煎甘草湯調下

### 舒筋法

舒筋法治破傷後筋變縮不能伸他病筋縮亦可用大竹管長尺餘鑽一竅繫以繩掛于腰間平生貼舉足槎衮之勿計工程久當有效

### 退腫

蒼朮散治打撲損傷皮不破浮腫者及角血用此退之

紫金皮 蒼朮 猪牙皂角

鹽醋炒

雞脚風葉 骨碎補 各等分

右為末糊水調糊腫處

紫金皮散治一切打撲損傷金刃箭鏃浮腫用此效

紫金皮 醋炒 天南星 半夏 黃柏 鹽炒 草烏 炮

川烏 川芎 茶水炒 川當歸 煨 杜當歸 烏藥

川白芷 鹽水炒 破故紙 劉寄奴 川牛膝

桑白皮 各等分

右為末生薑薄荷汁薰水調糊腫處或傷處皮熱甚

加黃柏皮生地黃五錢有瘡口者勿封其口四畔用  
此糊之

麻藥

草烏散治損傷骨節不歸窠者用此麻之然後用手整  
頓

猪牙皂角 木鼈子 紫金皮 白芷 半夏

烏藥 川芎 杜當歸 川烏 各五兩 舶上茴香

生拏 酒煎熱 草烏 各一兩 木香 三錢

傷重刺痛手近不得者更加生草  
烏各五錢及曼它羅花五錢入藥

右並無煨製為末諸骨碎骨折出白者每服二錢好  
紅酒調下麻到不識痛處或用刀割開或用剪去骨  
鋒者以手整頓骨節歸元端正用夾夾定然後醫治  
或箭鏃入骨不出亦可用此麻之或用鉄鉗拽出或  
用鑿鑿開取出後用鹽湯或鹽水與服立醒

合瘡口

松皮散治金刃箭鏃傳瘡口兼能生肉



老龍皮

二分末

生石灰

取古坩者用瓦盛上用瓦蓋炭火四畔上下煉一夜至曉

取研細

右為末傅之止血收瘡口立效

又方合瘡口黃丹白滑石研細傅之

又方黃連木香檳榔為末傅之

又方

降真香 牛膝 石灰 人骨

醋炒

真龍骨

老松皮

各一兩

右用黃牛膽一枚將小竹管插膽中以石灰末從管  
中入膽內掛高處日乾要用刀破開同諸藥為末傳  
瘡肚中不痛自愈

太乙膏治金瘡箭鏃不問輕重用此傳之并治癰疽疔  
毒

白芷 乳香火製 沒藥 蒼朮 白膠香

石膏醋炒 黃丹各五錢

右為末用真清油四兩桐油真者亦可以黃蠟一兩

先煎油柳枝攪次入白芷等四味煎少頃却入膠香  
石膏得同煎試欲成珠却入蠟同煎片時用生布濾  
過瓦器收藏用油單攤之損傷傳瘡口自然肉不痛  
速愈

止血收瘡口方藏血用此瘡大者以燈心蘸入孔中

白膠香

老松皮

白芷

龍骨

血竭

各一兩

右為末傳之

又方

土朱

二兩用瓦盛瓦  
上火煉一日

人骨

火煉者

老松皮

龍骨

各等分

右為末傳之妙

又方雞內金焙為末傳之立止

乳香膏老金瘡杖瘡神效

乳香

七錢

沒藥

七錢

白芷

當歸

羌活

獨活

川牛膝

川芎

自然銅

石膏

劉寄奴

黑牽牛

黃栢皮

破故紙

白膠香

生地黃 熟地黃 赤芍藥 白芍藥

黃丹

紫金皮

各五錢

黃蠟

一兩

右為末用真清油四兩煎沸却入藥同煎留膠香黃蠟黃丹末入用柳枝不住手攪試將欲成膏却入三味更試成膏生布濾淨用瓦器盛水傾在水中用油單攤開貼傅瘡口孔深者搥成膏條穿入孔中不問淺深放瘡上作熱加輕粉梅花腦子朴硝入膏內貼又留可再用瓦下盛須封裹

斷筋

小香膠散

白膠香末傅之又方金沸草根榴汁塗筋封之可相

續

止痛

乳香散治打撲傷損痛不可忍者

白朮

炒當歸

炒粉草

川白芷

沒藥

研另

交趾桂

明乳香

研另

右為末入別研藥令服二錢酒調不以時服

應痛圓治折傷後為四氣所侵手足疼痛

生蒼朮

半斤破故紙

半斤半生半炒

舶上茴香

六兩炒

骨碎補

半斤去毛

穿山甲

去腹桑灰炒脹為度柴灸亦可

生草烏

半斤判如麥大

右用草烏半斤用生薑一斤連皮生薑一斤搗爛草

烏一處淹兩宿焙乾連前藥同焙為末酒煮下糊圓

梧桐子大每服五十九酒或米飲下忌熱物片時麻

無妨

止痛圓止痛清心行氣活血如神

草烏

去皮  
生用

乳香

火熨

沒藥

火熨

五靈脂

各三  
兩

生麝香

炒

右為末酒糊丸如指頭大朱砂五錢研為衣每服用  
薄荷生薑研汁磨化痛止

世醫得效方卷十八